



## **Ponuda sistema za veleprodaju lijekova**

**SI SOFTWARE DEVS**

Poštovani,

Činjenica je da je prodaja lijekova veoma ozbiljan i odgovoran zadatak i zbog toga Vam želimo pružiti softversku podršku koja će Vam uveliko olakšati posao i učiniti ga efikasnijim.

Softversko rješenje koje Vam nudimo omogućava jednostavan nadzor svakog lijeka od momenta kada je stigao u skladište, do momenta kada je napustio skladište i sve bitne informacije koje idu uz to, sa posebnim akcentom na lot kojem taj lijek pripada.

Karakteristike našeg sistema koje ga čine vrijednim su:

- dostupnost svih potrebnih informacija o lijekovima i kupcima
- jednostavno korištenje i veoma kratko vrijeme obuke korisnika
- efikasan monitoring skladištenja, ulaza i izlaza lijekova

Naš sistem podržava sljedeće segmente poslovanja u veleprodaji lijekova:

○ **Evidencija lijekova**

Svaki lijek koji dolazi u skladište mora biti evidentiran (bez obzira na to da li je tek nabavljen ili premješten iz drugog skladišta). Podaci koje je bitno evidentirati su: broj skladišta, naziv, težina, ulazna cijena, broj lota i rok trajanja.

○ **Evidencija informacija o kupcu**

Svaki kupac kojem se isporučuju lijekovi se evidentira u sistemu. Potrebni podaci su: ID kupca, naziv i adresa.

○ **Kreiranje izlaznih faktura**

Za lijek koji napušta skladište potrebno je kreirati izlaznu fakturu na kojoj će se nalaziti podaci o lijeku, broju lota, izlaznoj cijeni, kolicini, ukupnoj cijeni, kupcu, te osobi koja je kreirala fakturu.

○ **Kreiranje računa**

Prilikom izdavanja lijekova potrebno je kreirati račun koji će sadržiti podatke o kupcu (ID, naziv i adresa), o skladištu te lijekovima (broj lota, izlazna cijena i količina) te ukupna suma sa PDV-om.

- **Otpis lijekova**

upozorenje izlazni document Otpis se vrši kada istekne rok trajanja lijeka i akcija je ručna, odnosno radnik je taj koji će ručno ukloniti lijek iz sistema, pri čemu će na izlazu nakon otpisa lijeka biti lot kojem lijek pripada, količina lijekova kojima je istekao rok te skladište kojem pripadaju.

- **Kreiranje izvještaja**

- 1. Izvještaj o ulazima i izlazima lijeka na osnovu vremenskog perioda**

Vođenje statistike omogućava pregled statistike za određeni period gdje se za svaki od lijekova može vidjeti koliko je ušlo lijekova u skladište, a koliko izašlo iz skladišta.

- 2. Izvještaj o trenutnom stanju na skladištu (grupisanje prema broju lota)**

Lijekovi su razdvojeni u odnosu na lotove u kojima pristižu. Menadžment unosi broj lota i može vidjeti slijed dešavanja za taj lot. Omogućen je prikaz nabavne cijene, količine i novčane vrijednosti za svaki lot kao i novčana vrijednost svih lotova na skladištu.

Pri čemu će sve te informacije biti grupisane na slijedeći način:

- 1) Lot - nabavna cijena, količina, vrijednost lota
- 2) Novčana vrijednost svih lotova na skladištu
- 2) Grupisanje po skladištu gdje je potrebna samo vrijednost
- 3) Ukupna vrijednost svih skladišta

- 3. Izvještaj o trenutnom stanju na skladištu (grupisanje prema pojedinim lijekovima)**

Ovaj izvještaj je sličan prethodnom, samo umjesto lota unosi se naziv lijeka.

- 4. Izvještaj o lijekovima koje je kupio određeni kupac**

Odabir vremenskog intervala za koji će se prikazivati lijekovi, količina i vrijednost koje je izabrani kupac kupio.

- 5. Dnevnik promjena**

Odabir određenog lijeka i hronološki po datumu informacije o tom lijeku, kao što su lot, količina, trenutno stanje i tip promjene. Dakle datumi o ulazima i izlazima.

- **Pretraga lijekova koji su na stanju**

Uposlenik može unosom naziva lijeka dobiti informacije količini, broju lota i sve ostale relevantne informacije.

- **Kreiranje korisničkih računa i dodjela prava pristupa**

Administrator kreira račune i dodjeljuje prava pristupa pri čemu se poštuje hijerarhija koja postoji u kompaniji. Uposleni mogu kreirati ulazne i izlazne fakture te pregledati stanje na skladištu, podatke o lijekovima i kupcima, a menadžeri mogu pregledati izvještaje.

Ukratko, softver pruža nadzor ulaza i izlaza lijekova iz skladišta, kreiranje i pregled izvještaja o trenutnom, kao i prethodnim stanjima skladišta. Predviđen je za korištenje za dva skladišta, uz mogućnost proširenja na više skladišta.

SI Software Devs okuplja tim mladih i ambicioznih ljudi kojima je osnovni cilj proizvesti softversko rješenje koje maksimalno zadovoljava potreba naših klijenata i čini njihov svakodnevni rad bržim i jednostavnijim.

Naš slogan je “The best or nothing” što znači da akcenat stavljamo na izuzetan kvalitet naših proizvoda i usluga. Možemo se pohvaliti veoma uspješnim projektima za različite tipove klijenata o čemu ste vjerovatno već čuli.

Nakon korištenja ovog softverskog rješenja duži vremenski period primijetit ćete da je pristup Vašem poslovanju postao sistematičan. Imat ćete na dohvat ruke sve informacije relevantne za Vaše poslovanje, a greške će biti svedene na minimum. Osjećat ćete se kao kormilar nadomak obale kojoj se zaputio.

Cijena softvera iznosi 6000 KM. U cijenu je uključena 7-dnevna obuka uposlenih. Nudimo garanciju na 5 godina. Zagarantovano vrijeme realizacije projekta je 3 mjeseca.

Ukoliko Vam je kvalitet na prvom mjestu, vjerujemo da će SI Software Devs biti Vaš izbor.